



宋繫太平御覽



和装本

13
403
149



13
403
149



太平御覽卷第九百六十八

果部五

杏

杏

典術曰杏木者東方歲星之精

師曠占曰杏多實不蟲者來年秋善

書紀年曰昭公六年十二月桃杏花幽王十年九月桃杏

實○山海經曰靈山之下其木多杏

盧謹祭法曰夏祠用杏

崔寔四民月令曰三月杏花盛可播白沙輕土之田

後周書曰張元芮城人性廉潔南隣有杏二樹杏熟多落

元園中諸小兒競取食之元所得者悉以還主

唐史曰馬燧之子暢以第中大杏饋竇文場文場以進德



新念圖書

此係明治八年八月廿八日
由山田一人
所購以贈



宗德宗未嘗見頗怪暢令中使就封杏樹暢懼進宅廢為奉誠園

管子曰五沃之土其木宜杏
莊子曰孔子遊緇帷之林休坐杏壇之上弟子讀書孔子絃歌鼓琴

玄晏春秋曰衛倫過予言及於味稱魏故侍中劉子揚食餅知鹽生精味之至也予曰師曠識勞薪易牙別淄澠子揚今之妙也定之何難倫因命僕取糗糗以進予嘗之曰麥中有杏李榛味三果之熟也不同意焉得兼之倫笑而不言退告人曰士安之識過劉氏吾將來家多果實杏時將發故採以杏汁李時將發又採之李汁榛時將發又採以榛汁故兼三味

汜勝之書曰杏始華趣耕輕土杏華落趣耕闌

又曰杏花如何可耕白沙也

盧毓冀州論曰魏郡好杏地產不為無珍
神仙傳曰董奉字君異居廬山為人治病重病得愈者令種杏五株輕病得愈者為栽一株數年之中杏有十數萬株鬱然成林杏子熟奉於林中所在作簞食一器宜語買杏者不復須來報但自取之一器穀便得一器杏有大小穀往而取杏多即有三四頭虎逐之奉悉以杏所得穀賑救貧窮
南岳夫人傳曰仙人有三玄紫杏

西京雜記曰上林有文杏
廣志曰滎陽有白杏鄴中有赤杏有榛杏

嵩高山記曰嵩高山東北有牛山其山多杏至五月爛然

黃熟自中國喪亂百姓飢饉皆資此為命人人充飽而杏不盡

洛陽宮殿簿曰明光殿前杏一株顯陽殿前杏六株含章殿前杏四株

晉宮閣名曰暉章殿前杏一株

楊銜之洛陽伽藍記曰西方于闐王不信佛法有商胡將一比丘毗盧旃在城南杏樹下白王伏罪今輒將異國沙門來在城南杏樹下王聞忿怒即往看毗盧旃語王言如來遣我來令王造覆盆浮圖一軀使王祚永隆王言使我見佛我當從命毗盧旃鳴鐘告佛佛即遣羅睺羅變為佛形從空而見真容王五體投地即於杏樹下置立寺舍焉任昉述異記曰杏園洲南海中多杏海上人云仙人種杏處漢時常有人舟行遇風泊此洲五六月日食杏故免死

云洲中有冬杏

王充果賦云冬實之杏春熟之甘

晉郭太機果賦云杏或冬而實

又曰范蠡宅在湖中有海杏大如拳

又曰賴鄉老子祠有縹杏

司馬相如長門賦曰飾文杏以為梁

王逸荔枝賦曰魏土送西山之杏

王虞洛都賦曰豹祠赤杏

胡道安黃甘賦曰越魏都之赤杏

朱超石與兄書曰光武墳邊杏甚美今奉送其核

潘岳閑居賦曰梅杏郁棣之屬華實照爛言所不能極也

李

爾雅曰休無實李

一名趙李座接慮李

今之麥李也

駿赤李也赤桃

李醜核子中有棗李曰寔之

毛詩鵲巢曰何彼穠矣華如桃李平王之孫齊侯之子

又淇澳木瓜曰投我以木李報之以瓊玖

韓詩外傳曰子質仕魏文侯獲罪而北遊謂簡主曰從今

已去不復樹德於人矣簡主曰春樹桃李夏得蔭其下秋

得食其實春樹蒺藜夏不採其葉秋得刺焉今子所樹非

其人也

春秋運斗樞曰玉衡星散為李

又曰遠雅頌箸倡優則李生瓜

史記曰桃李不言下自成蹊

晉書曰王戎年七歲嘗與諸小兒遊看道邊李樹子多折

枝諸小兒競走取之唯戎不動人問之荅曰樹在道邊而

子多必苦李也取之信然

又曰王安豐有好李常賣恐人得種恒鑽其核

又曰和嶠性至儉家有好李帝求之不遺數十王武子因

其直率將少年能食之人將斧詣園飽啖畢伐之送與嶠

問何如君李

齊書曰王僧孺少時有餽其父冬李先以一與之不受曰

大人未見不容先嘗

三國典略曰齊武成寵任東平王儼而儼器服翫飾同於

齊主嘗於南宮見典御進新冰鈎盾獻早李還而怒曰尊

兄已有我何意無

唐書曰武德中有獻李樹連理盤屈如龍

又曰貞觀中玉華宮李樹連理隔澗台枝

又曰神龍中陳州官舍有李樹黃落將盡忽更鮮茂而生

花焉

管子曰五沃之土其木宜李

晏子曰景公病疽在背欲見不得公問國子國子曰熟如火色如日大小如未熟李公問晏子曰色如蒼玉大如璧也公曰不見君子不知野人楛也

孟子匡章曰陳仲子豈不誠廉士哉居於陵三日不食耳日無聞見也井上有李蠶食實者半匍匐往食之三咽而

後聞見也趙岐注曰李實東平王蠶而蠶食之謂蠶也

呂氏春秋曰子產相鄭桃李之垂於街者莫之援也

抱朴子曰五原蔡誕入山而還欺其家人云到崑崙山崑崙山有玉李光明洞徹而堅須以玉井水澆之便軟可食又曰南頓人張助者耕於白田有一李栽應在耕次助意惜之欲持歸乃掘取之未得即去以濕土封其根以置空桑中遂忘取之助後作遠職不在後其里中人見桑中忽

生李謂之神有病目痛者蔭思此桑下因祝之言李君能令我目愈者謝一狔其目偶愈便殺狔祭之傳者遇差便言此樹能令盲者得視遠近喻然牙來請福

山海經曰邊春之山多李里人常採之

漢武內傳曰李少君謂武帝曰溟海之棗大如瓜鍾山之李大如瓶臣以食之遂生奇光

又曰仙之上藥有圓丘紅李

晉宮閣名曰暉韋殿前李一株

鄴中記曰華林園有春李冬華春熟

周處風土記曰南居細李四月先熟

列仙傳曰師門者嘯父弟子也食桃李葩

又曰老子之母適到李樹之下而生老子生而能語指李樹曰此以爲姓

其人王褒內傳曰五靈丹山土有玄雲之李食之得仙
嵇康高士傳曰長靈安丘生病篤弟子公沙都來省之與
安共於庭樹下問李香開目見雙赤李著枯枝自墮掌中
安食之所苦除盡
笑林曰趙伯翁醉眠數歲孫兒緣其腹戲因以李子內其
臍音臍中累七八枚既醒了不覺數日後乃知痛李爛汁
出以爲臍穴懼死乃命妻子處分家事李核出尋問乃知
是孫兒所爲

夢書曰李爲獄官夢見李者憂獄官

西京雜記曰上林苑有紫李青綺李黃李青房李綠李顏

淵李出魯志合枝李五株羌李朱李車下李燕李猴李蠻李

廣志曰鼠李朱李可以染

又曰車下李車上李亦春熟可染也

又曰麥李細小有溝道李有黃建李青皮李馬肝李赤李
房林李有饌余石切李肌黏茹似饌有榛李離核李李似榛
有壁李熟必先劈裂有經李一名老李其樹數年則枯有
杏李味小酢似杏有黃扁李有夏李有冬李十一月熟此
三李種鄴園有春李冬華春熟
郭子橫洞冥記曰琳國去長安九千里多生玉葉李色如
碧五千歲一熟味酸苦韓終常食之亦名韓終李也
唐新語曰安金藏喪母廬於墓側有湧泉自出又有李樹
盛冬開花大鹿相狎採訪使廬慎以聞詔旌其門閭
列異傳曰袁本初時有神出河東號度索君民其立廟究
州蘇氏母病往禱見一人着白布單衣高冠似魚頭語度
索君曰昔廬山共食白李未久已三千年日月易得使人
悵然去後度索君曰南海君也

任昉述異記曰魏文帝安陽殿前天降朱李八枚啖一數
日不食今李種有安陽李大而甘者即其種也
又曰杜陵有金李李之大者爲之夏李尤小者呼爲鼠李
又曰防陵定山有朱仲李園三十六所潘岳閑居賦云房
陵朱仲之李
又曰果賦云三十六園之朱李又仙李縹而神李紅陸士
衡果賦云中山之縹李
又曰武陵原在吳中山中無他木盡生桃李俗呼爲桃李
原原上有石洞洞中有乳水世傳秦亂吳人於此避難者
食桃李實者皆得仙
吳氏本草曰李核治仆僵花令人好顏色
東方朔占曰朔與弟子俱行朔渴命弟子叩道邊人家門
不知室主姓名關門呼不應朔復往之門住須臾博勞飛

集所呼門中李樹上朔見之語弟子曰此室人當姓李名
博汝呼言李博博白當應汝室中人果姓李名博出門應
與朔相見入取飲與朔

鹽鐵論曰桃李實多者來歲爲之穰

左思齊都賦曰露桃霜李

王逸荔支賦曰房陵縹李

王虞洛都賦曰銅馬朱櫻房陵縹李

庾玄默水井賦曰接朱李於玄泉來甘瓜於清濤

傅玄李賦曰河沂黃建房陵縹青一樹三色異味殊名

張載瓜賦曰朱李零於桂圃蒲陶潰於椒林

古歌詩曰桃生露井上李樹生桃傍

曹植詩曰南國有佳人容華若桃李

阮籍詩曰嘉樹下成蹊東園桃與李

古樂府歌曰君子防未然不處嫌疑間瓜田不納履李下不正冠
 魏文帝與吳質書曰浮甘瓜於清泉沉朱李於寒水
 與古無大共服曰浮甘瓜於清泉沉朱李於寒水
 太平御覽卷第九百六十八

王粲著文賦曰其劉縣李
 亦以六李相白雲掛露李
 劉縣李曰掛李實李李米氣魚之類
 劉縣李曰掛李實李李米氣魚之類
 劉縣李曰掛李實李李米氣魚之類
 劉縣李曰掛李實李李米氣魚之類

太平御覽卷第九百六十九

果部六

梨

檀

櫻桃

梨

爾雅曰梨山摘即金梨樹梨曰鑽之咬食治

漢書曰淮北滎南河濟之間千樹梨其人皆與千戶侯等
 晉書載記曰苻雙據上邽苻柳據蒲坂叛于堅苻武據安
 定並應之將共伐長安堅遣使諭之各齧梨以為信皆不
 受堅命

宋書曰王玄謨征滑臺一疋布責民八百大梨
 又曰張敷小名查父邵小名梨文帝嘗戲謂之曰查何如
 梨答曰梨萬果之宗查何敢比也
 齊書曰扶桑國有赤梨經年不壞兼多蒲桃

唐書曰貞觀中杭州言木連理二十四株有樅梨二木合為一體

又曰玄宗至馬嵬驛令高力士縊貴妃於佛堂前之梨樹又曰崔遠文才清麗風神峻整人皆慕其為人當時目為釘座梨言席上之珍

韓子曰夫樹榘梨橘柚者食之則甘嗅之則香

莊子曰粗梨橘柚其味雖別各適其口

淮南子曰佳人不同體美人不同面而皆說於目也佳美梨

橘棗栗不同味而皆調於口也調適

應劭漢官儀曰光武封太山上壇見酢梨酸棗主者云百

官上者所置具棗門

晉令曰諸宮有梨守護者置吏一人

晉宮閣名曰明光殿前梨一株

世說曰相南郡每見人不快輒嗔云君得袁家梨復蒸食否舊說秣陵有袁仲家梨甚大如升入口消釋言愚人不別得好梨蒸食之

又曰安公講僧常數百習鑿齒嘗餉十梨正值講安公便

於座中手自剖分梨盡人遍都無偏頗

山海經曰洞庭之中其木多梨

盧毓冀州論曰常山好梨地產不為無珍

關令尹喜內傳曰老子西遊省太真王母共食紫梨

漢武內傳曰太上之藥有玄光梨

曹瞞別傳曰王自漢中至洛陽起建始殿使工蘇黃越從

美梨掘之根盡血出越以狀聞王王躬自視之以為不祥

遂遂寢疾

神仙傳曰介象言病帝使左右以美梨一奩賜象象死帝

殞而埋之以日中時死其日晡時到建業以所賜梨付苑吏種之後吏以狀聞即發象棺棺中有一奏符

文士傳曰孔融年四歲與諸兄食梨輒取其小者人問其故答曰我小兒法當取小者由此宗族奇之

西京雜記曰士林有紫梨芳梨實小青梨大谷梨金柯梨出瑯琊王野家太縹帶梨紫條梨瀚海梨出瀚海耐寒不枯青玉梨

廣志曰洛陽北芒張公夏梨海內唯一樹常山員定梨山陽鉅野梨梁園睢陽梨齊郡臨淄梨鉅野膏梨上黨棹

音亭梨小而甘新豐箭谷梨關以西弘農京兆右扶風界谷中梨多供御廣都梨重六斤可數人分食之

嵩高山記曰東嶽脚上有梨樹云是武帝菓園山中諸生皆取食之

辛氏三秦記曰漢武帝園一名樊川一名禦宿有大梨如

五升落地則破其主取者以布囊盛之名含消梨

三晉山險記曰山陽縣北有谷通得驢馬石勒十八騎昔

在此啖梨生樹今有梨園

段龜龍涼州記曰呂光時燉煌太守宋欽獻同心梨

永嘉記曰青田村民家多種梨樹名曰官梨子大一圍五

寸樹老今不復作子此中梨子佳甘美少此實大出一圍

恒以供獻名為御梨吏司守視土人有未知味者梨實落

至地即融釋

郭子橫洞冥記曰塗山之北有梨大如斗色紫千年一花

冬月乃實煎之有膏食者身輕亦曰紫輕梨

博物志曰梨類甚多檀杜音下皆是大小啻酢之異耳

神異經曰東方有樹焉高百丈敷張白輔葉長一丈廣六

七尺名曰梨其子徑三尺剖之白如素食之為地仙張華注曰

幽明錄曰成彪見喪晝夜哭泣兄提二升酒一盤梨就之

引酌相勸

廣五行記曰宋廢帝大始年江南盛傳種蕭梨先無此樹

百姓爭欲植之識者曰當有姓蕭人王者後齊受禪

揚銜之洛陽伽藍記曰勸農里報德寺有園珎菓出焉有

含消梨重六斤禁苑所無也從樹投地盡散為水焉世人

去報德之梨承光之柰承光寺亦多菓木柰味甚美冠於

京師

李鄴侯傳曰唐肅宗嘗夜坐召穎王等三弟同坐於地爐

劉毯上時李泌多絕粒上每為自燒二梨以賜之穎王恃

恩固求上與曰汝恒飽肉食先生絕粒何乃爭之穎王曰

臣等試大家心何乃偏耶不然三弟共乞一顆可乎上亦

不許賜以他菓穎王等又曰臣等以大家自燒故乞他菓

何用因曰先生恩渥如此臣等請聯句以為他年故事穎

王曰先生年幾許顏色似童兒信王曰夜抱九仙骨朝披

一品衣一玉日不食千鍾粟唯食兩顆梨既而三王請上

成之上曰天生此開氣助我化無為

王讚梨頌曰太康十年梨樹四株其條與中枝合生於玄

圃園皇太子令侍臣作頌

魏文帝詔曰真定御梨大若拳甘若蜜脆若凌可以解煩

釋渴

傅選七證曰恒陽黃梨巫山朱橘公林黃

何晏九州論曰安平好棗真定好梨

左思蜀都賦曰紫梨津潤

又齊都賦曰菓則駒山之梨

潘岳閑居賦曰張公大谷之梨

孫楚秋賦曰朱橘甘美紫梨甜脆膚不隱於斷牙融液易

於含雪賦曰甘平淡齋其式

王廩洛都賦曰梨則大谷冬紫張公秋黃

潘岳金谷園賦曰靈圃繁若榴茂林列芳梨

宋武帝戲馬臺梨花讚曰嘉樹之生于彼山基開榮布綵

不離塵縉王弘謝賜河上梨表曰奉賜河上梨一千遠方味甘每垂

降及仰佩慙違俯增祇愧魏武帝為兖州牧上書曰山陽郡有美梨謹上甘梨二箱

爾雅曰榘梨曰鑽之

禮記內則曰榘梨薑桂

榘似梨而醜

榘見禮記

榘者皆人君羞

呂氏春秋曰箕山之東有甘榘

山海經曰平丘有楊柳甘榘

又曰洞庭之上其木多榘

說文曰榘似梨

神異經曰南方大荒有樹焉名曰榘三千歲作華九千歲

作實其花紫色中高百丈敷張自輔葉長七尺五色實長

九尺無核割之如凝蜜

迹異記曰江淮南人至北見榘勃香以為榘子蓋實異耳

傳玄瓜賦曰龍眼生於南極甘榘引於崑山

櫻桃

禮記月令曰仲夏之月天子羞以含桃先薦寢廟

今之櫻桃也

爾雅曰楔音革荆桃郭璞注曰

今櫻桃

廣雅曰含桃櫻桃

漢書曰惠帝出離宮叔孫通曰今櫻桃熟可獻陛下宜以櫻桃獻宗廟上許之諸菓獻由此興

唐書曰太宗將致櫻桃於鄴公稱奉則以尊言賜又以卑問之虞監曰昔梁帝遺齊巴陵王稱飴遂從之

又曰玄宗紫宸殿櫻桃熟命百官口摘之

又曰蕭穎士李林甫採其名欲拔用之乃召見時穎士寓居母喪即縗麻而詣京師徑謁林甫於政事省林甫素不識遽見縗麻大惡之即令斥去穎士大忿乃為伐櫻桃賦以刺林甫云擢無庸之瓚質因本枝而自庇泊枝幹而非據專階廷之右地雖先寢而或薦豈和羹之正味其狂率不遜皆此類也

又曰文宗始即位嘗因內園進新櫻桃將以賜三宮太后

上曰送太后焉可以為賜因援筆易其文簿曰奉太后自是以為常

拾遺錄曰漢明帝於月夜譙賜群臣櫻桃盛以赤瑛盤群臣視之月下以為空盤帝笑之

呂氏春秋曰仲夏之月羞含桃高誘注曰含桃櫻桃為鳥所含故曰含桃

范汪祠制曰孟夏祭用櫻桃

洛陽宮殿簿曰顯陽殿前櫻桃六株明光殿前櫻桃四株徽音殿前櫻桃二株

廣志曰櫻桃大者如彈丸有長八分者白色多肌者凡二種虎丘山疏曰山下有櫻桃三株

唐景龍文館記曰四年夏四月上與侍臣於樹下摘櫻桃恣其食末後於蒲萄園大陳宴席奏宮樂至暝每人賜朱

櫻雨籠

又曰四年夏四月上幸兩儀殿命侍臣昇殿食櫻桃其櫻桃並盛以琉璃和以杏酪飲塗麋酒

博物志曰櫻桃或如手指春秋冬夏華實音歲

吳氏本草曰櫻桃味甘主調中益脾氣令人好顏色美志

氣一名朱桃一名麥英也

傅咸粘蟬賦序曰櫻桃為樹則多蔭為菓則先熟故種之於廳事前以盛暑逍遙其下

左思蜀都賦曰朱櫻春就素柰夏成

魏文帝與鍾繇書報曰臣繇言賜甘酪及櫻桃惠厚意稠

非言所申

夏侯孝若春可樂日進櫻桃於玉盤

太平御覽卷第九百六十九

太平御覽卷第九百六十九

太平御覽卷第九百七十

果部七

梅

似杏實酢

爾雅曰梅柟

尚書說命曰若作和羹爾為鹽梅

毛詩鵲巢標有梅日標有梅男女及時也標有梅其實七

分標落也盛極則墮落於梅也求我庶士迨其吉兮

詩義疏曰梅杏類也樹及葉皆如杏而黑煮而乾為蘇置

羹臠壘中又可含以香口

又谷風四月日山有嘉卉侯栗侯梅

又墓門日墓門有梅有鴉萃止

大戴禮夏小正日正月煮梅為豆實

石榴

榛

吳曆曰孫亮出西苑方食生梅使黃門至中藏取蜜以漬
蜜中有鼠矢侍中請付獄推亮曰此易知耳令破鼠矢矢
裏燥亮大笑曰久在蜜中中當濕今外濕裏燥必黃門為
構黃門首服左右莫不驚悚

宋書曰武帝女壽陽公主人日卧於含章簷下梅花落公
主額上成五出之華拂之不去皇后留之自後有梅花粧
後人多效之

南史曰柳惲嘗與琅琊王瞻博射嫌其皮闊乃摘梅帖烏
珠之上發必命中觀者驚駭

梁書曰任昉為新安太守郡有蜜嶺及楊梅舊為太守所
採訪以冒險多毒物故即時停之

唐書曰蕭倣為嶺南節度使倣性公廉南海雖富珍奇月
俸之外不入其門家人疾病醫工治藥須烏梅左右於公

廚取之倣知而令遷之促買於市

淮南子曰百梅足以為百人酸一梅不足以為百人酸喻能濟少少不能有所成也

抱朴子曰綺里丹法以鈔百斤合五石煮之皆成銀以雄
黃煮之皆成黃金金太剛以猪膏煮之太柔以梅煮之

山海經曰靈山其木多梅郭璞注曰似杏而酢

說苑曰越使諸發執一枝梅遺梁王梁王之臣韓子顧謂
左右曰燕有一枝梅遺列國之君乎

論衡實知篇曰使聖人空坐獨思則不知百世後有馬生
牛牛生驢桃生李李生梅也

世說曰魏武帝行失道三軍皆渴帝令曰前有大梅林饒
子甘酸可以解渴士卒聞之口皆水出

地理志曰南陵有梅根治

風俗通曰夏禹廟中有梅梁忽一春生枝葉

又曰五月有落梅風江淮以為信風又有霖霖號為梅雨
沾衣服皆敗黧

桂楊先賢傳曰有人謂蘇統後園梅樹下種藥可治百病

吳氏本草曰梅核明目益氣不飢

東方朔別傳曰朔與三門生俱行見一鳩占皆不同一生

曰今日當得酒一生曰其酒必酸一生曰雖得酒不得飲

也三生皆到主人須臾主人出酒樽中即安於地羸而覆

之訖不得酒出門問見鳩飲水故知得酒鳩飛集梅樹上

故知酒酸鳩飛去所集枝折墮地折者傷覆之象故知不

得飲也

西京雜記曰上林苑有朱梅同心梅紫蒂梅燕支梅麗枝

梅紫花梅侯梅

周處風土記曰夏至之雨名為黃梅雨

廣志曰蜀名梅為榛大如鴈子梅榛皆可以為油脯黃梅

以熟榛作之

榛音老

伍瑞休江陵記曰洪亭村下有白藉洲東南得邠洲上頭

有枚迴村舊云是梅槐合生成樹是以名之音訛謂之梅

迴

荆州記曰陸凱與范曄相善自江南寄梅花一枝詣長安

與曄并贈花詩曰折花逢驛使寄與隴頭人江南無所有

聊贈一枝春

神異經曰北方荒外有石湖焉方千里中有橫公魚夜化

為人刺之不入養之不死以烏梅二七養之即熟可已邪

病

述異記曰嘉興縣畢陶村朱休之有弟朱元元嘉二十五

至十月清旦兄弟對坐家中有一犬來向休蹲遍視三人而笑遂搖頭歌曰言我不能歌聽我歌梅花今年故復可奈汝明年何其家驚懼斫犬榜音首路側至歲末梅花時兄弟相忿奮戟傷兄官收治並被囚繫經歲得免至夏舉家時疾母及兄弟皆卒

征昉述異記曰邯鄲有故邯鄲宮基存焉中有趙王果園梅李至冬而花春得食音嶺南異物志曰南方梅華如北杏十二月開

語林曰范注至能啖梅人嘗致一斛奩須臾啖盡

潘岳閑居賦曰梅杏郁棣之屬

左思蜀都賦曰梅杏羅生

相梁臺太官令曰相梨橘栗李桃梅

張協七命曰輝音以秋澄醉以春梅接以商王之箸承以

帝辛之盃

石榴

廣雅曰若榴石榴也

晉隆安起居注曰武陵臨沅縣安石榴于大如椀其味不

酸一帶六實

宋書曰元嘉末魏太武征彭城遣使求甘蔗安石榴張暢曰石榴出自鄴下亦當非彼所乏

北史曰齊安德王延宗納趙郡李祖收女為妃後帝幸李宅宴而妃母宋氏薦二石榴於帝前問諸人莫知其意帝投之問魏收曰此竟何意收曰石榴房中多子王新婚妃母欲子孫眾多帝大喜詔收卿還將來仍賜美錦二疋

唐書曰孔紹安大業末為監察御史時高祖為隋討賊於河東詔紹安監高祖之軍深見接遇及高祖受禪紹安白

洛陽間行奔高祖見之甚悅拜內史舍人時夏侯端亦嘗
爲御史監高祖軍先紹安歸朝授祕書監紹安因侍宴應
詔誦石榴詩曰祗爲來朝晚開花不及春時人稱之
神仙傳曰劉馮者沛人也封桑鄉侯學道於樓丘子常服
石柱英及中岳石榴垂四百年如十五幼童
灑鄉記曰老子祠堂北有石榴二株
鄴中記曰石虎苑中有安石榴子大如椀盞其味不酸
廬山記曰香爐峯頭有大盤石可坐數百人石垂生山石
榴三月中作花色似石榴而小淡紅敷紫萼輝擘可愛
襄國記曰龍崗縣有好石榴
博物志曰張騫使西域還得安石榴
廣志曰安石榴有甜酢二種
陸機與弟雲書曰張騫爲漢使外國十八年得塗林安石

榴也

李九德陽殿賦曰蒲桃安若曼延蒙籠

應吉甫安石榴賦曰余往日爲中書直廬上有安石榴枝
葉甚茂故爲之賦

傅玄安石榴賦曰虎宿中而纖條結龍辰升而丹華繁其
在晨也灼若九日栖扶桑其在夕也爽若燭龍吐潛光
庚儵若石榴賦曰遠而望之粲若擗績被山阿迫而察之
赫若龍輝耀淥波也

夏侯孝若石榴賦曰接翠萼於綠蒂冒紅牙於丹鬚翹然
含瓊璫爾散珠雪醒解銷怡神實氣
潘岳閒居賦曰若榴蒲陶之珍磊落蔓延於其側
又安石榴賦曰實有嘉木名安石榴採條外暢縈幹內穆
丹輝綴於朱房細的點於紅鬚煌煌燁燁焜焜入葉似長

離之栖鄧林若珊瑚之映流水光明燐爛含丹耀紫味滋
芳柚色麗瓊藥

潘岳安石榴賦曰若榴者天下之奇樹九州之名菓也是
以屬文之士或叙而賦之遙而望之煥若隨珠耀重淵詳
而察之灼若列宿出雲間千房同模十子如一御飢療渴
解醒止醉

左思吳都賦曰蒲桃亂潰若榴競裂

張載重作石榴賦曰於是天迴節移龍火西夕流風晨激
行露朝白紫房獨賦頰膚自坼剖之則珠散含之則冰釋
充嘉味於庖籠極酸甜之滋液上薦清廟之靈下羞玉堂
之客

張協安石榴賦曰乃剖乃折金房細隔

范堅安石榴賦曰紅鬚肉艷頰牙外標似華燈之映翠幕

若丹瓊之廁碧瑤

殷元安石榴賦曰余以暇日散愁翰林觀潘張石榴二賦
雖有其美猶不盡善客復措辭故聊爲之賦曰或珠離於
璇琬或玉碎於雕觴璘彬洒映擘紫嬰細瓘若瑤英之攢
鍾巘粲若靈蚌之含珠璫

徐藻妻陳氏石榴賦曰惟木之珍莫美石榴擢鮮葩於青
春結芳實於素秋

王倫妻羊氏安石榴賦曰振綠葉於柔柯垂彫子於累房
張載詩曰大谷石榴木滋之最膚如凝脂汁如清瀨渴者
所思銘之裳帶

曹植弃妻詩曰石榴植前庭綠葉搖縹青翠鳥飛來集拊
翼以悲鳴

麋元詩曰蒼蒼陵上柏參差列成行童童安石榴列生神

道傍種曰蒼蒼樹土師參差其行童童安可歸風坐時
巽以悲思 榛

晉書曰成帝杜皇后崩先是三吳女子相與簪白花望之
如素榛傳言天公織女死為之着服至是而后崩
三國典略曰楊愔一門四世同居家甚隆盛昆弟就學三
十餘人庭有榛樹實落于地羣兒咸爭愔獨坐不顧季父
暉見之謂賓客曰此兒恬裕有我風
蕭廣濟孝子傳曰王祥後母庭有榛樹始着子使守視祥
書駮鳥雀夜則驚鼠時雨忽至祥抱樹至曙母見惻然
紫虛南岳夫人傳曰夫人姓魏名華存性樂神仙季冬夜
半有四真人並年可二十降夫人靖室因設酒饌陳玄雲
紫榛夫人還王屋山王子喬等並降時夫人與真人為賓
主設三玄紫榛

玄晏春秋曰衛倫遊予論及於時味倫因命僕取糗進予
予曰麥也有杏李榛味

具杏部

杜恕篤論曰日給之葉與榛相似也榛結實而日給零落
虛偽之言與真實相似也虛偽敗而真實成

西京雜記曰上林苑有白榛紫榛花綠榛花

廣志曰榛有白赤青三種張掖有白榛酒泉有赤榛西方
例多榛家以為脯數十百斛以為蓄積如收藏棗栗若榛
汁黑其方作羹以為豉用也

漢武故事曰上握蘭園之金精摘園丘之紫榛

釋名曰榛油擣榛實也和以塗繒上縹而發之形似油也
榛脯切榛曝乾之如脯也

盧謹祭法曰夏祠法用白榛秋祠用赤榛
晉太始起居注曰太始二年六月嘉榛一帶十五實或七

實生於酒泉

王子年拾遺記曰崑崙山上有榛冬生子碧色須玉井之水洗方可食○郭子橫洞冥記曰有紫榛大如升甜如蜜核紫花青○虎丘山疏曰山下三面有春秋二榛本草經曰榛味苦令人臆脹病人不可多食

晉宮閣名曰華林園有白榛四百株

左太冲蜀都賦曰朱櫻春就素榛夏成

潘安仁閑居賦曰二榛耀丹白之色

潘岳東武觀賦曰飛甘瓜於浚水設素榛於清渠

曹植求祭先王表文帝曰乞請白榛二十枚

又謝賜榛表曰即夕殿中虎賁宣詔賜臣等冬榛一奩詔使温啖夜非食時而賜見及榛以夏熟今則冬至物以非時爲珍甘以絕口爲厚實非臣等所宜蒙荷詔曰此榛乃

從梁州來道里既遠來轉暖故榛變色

張載詩曰江南都蔗釀液豐需三巴黃榛甘瓜州素凡此數品殊美絕快渴者所思銘之裳帶

太平御覽卷第九百七十

太平御覽卷第九百七十一
 果部八
 柿 橙 林檎 棓 枇杷
 檳榔 豆蔻 胡桃 荔枝
 義熙起居注曰二年正月吳令顧脩湖上言西鄉有柿樹
 殊本合條依舊集賀詔停之
 晉宮閣名曰徽章殿前柿一株
 廣志曰柿有小者如杏
 王逸荔枝賦曰宛中朱柿
 潘岳閑居賦曰張公大谷之梨梁侯烏棓之柿
 王廙洛都賦曰豹祠赤杏並丹柿甘液滋脆不結牙齒
 李九七款曰鴻柿若瓜

太平御覽
 卷九百七十一
 十一
 御覽

劉義恭啓事曰勅旨垂賜華林園柿出自神苑滋味殊絕

說文曰諸橙橘屬也

東觀漢記曰建武中南單于來朝賜御食及橙橘龍眼荔

支
晉今日諸官有秩者守護橙者置吏一人
淮南子曰夫橘樹之江北化爲橙

風俗通曰橙皮可爲醬齏

博物志曰成都廣都郫繁江原臨邛六縣生金橙似橘而非若袖而芬香夏秋冬或華或實大如櫻桃小者或如彈

丸或有年春秋冬夏華實晉歲
廣志曰有給客橙自夏至冬且花且實
風土記曰橙柚屬也而葉正圓

異苑曰南康歸美山石城內有橙就食其實任意取足持

歸家人啖輒病或顛仆失徑

庾仲初揚都賦曰菓則黃甘朱橙
胡道安甘賦曰襄陰大橙江陽巨橘

廣志曰黑琴似赤榛

劉祜京記曰園多林檎

述征記曰林檎菓實可作其楹勃實微大其狀醜其味香
輔關有之江淮南少

晉宮閣名曰華林園有林檎十二株楹勃六株

左思蜀都賦曰林檎枇杷橙柿棗棗
謝靈運山居賦曰枇杷林檎帶谷映渚

廣州記曰荔枝壺橋南珠之上菱蓮椰柿為其次
地理記曰梁侯園有烏椰八稜大如醬盞

荆州土地記曰耳都出大椰林椰

晉宮閣名曰華林園椰子二株

范注祠制曰孟冬祭用椰柿

異苑曰傅亮永初中為護軍兄珎住府西齋忽見北窓外

椰樹下物面廣三尺狀若方相久乃自滅

韋耀靈陽賦曰甘蔗椰柿榛栗木瓜

潘安仁閑居賦曰梁侯烏椰之柿

謝靈運山居賦曰椰柿被實於長浦

潘岳金谷詩曰前庭樹沙甘後園植烏椰

魏武帝為兗州牧上書曰謹上椰棗二箱

枇杷

范注祠制曰孟夏祭用枇杷

唐書曰建中元年詔山南之枇杷江南之甘橘藕歲為次

第貢者收一次以供廟饗餘皆罷

晉宮閣名曰華林園枇杷四株

風土記曰枇杷葉似栗子似杏小而叢生四月熟柔而美

南中八郡志曰南安縣出好枇杷

廣州記曰枇杷若榴參乎京都

華山記曰華山講堂西頭有枇杷園

荆州記曰耳都出大枇杷

廣志曰枇杷冬華實黃大如雞子小者如杏味甜酢四月

熟出捷為至

仲長統昌言曰今人主不思甘露醴泉涌而患枇杷荔枝

之腐亦鄙矣

王彪之閩中賦曰菓則烏桺朱柿扶餘枇杷

周祗枇杷賦曰昔魯季孫有嘉樹韓宣子譽之屈原離騷亦著橘賦至於枇杷寒暑無變負雪揚華余植之庭圃遂賦之云名同音器質異貞松四序一采素華冬馥

曹植樂府歌曰橙橘枇杷甘蔗代出

謝靈運七濟曰朝食既畢摘菓堂陰春惟枇杷夏則林檎

吳錄地理志曰交趾朱載縣有檳榔樹直無枝條高六七

丈葉大如蓮實房得古貴灰共扶留藤葉食之則柔而美郡內及九真以南並有之

宋書曰劉穆之少時家貧誕節嗜酒食不脩拘檢好往妻兄家乞食多見辱不以爲耻其妻江嗣女甚明識每禁不令往江氏後有慶會屬勿來穆之獨往食畢求檳榔江氏

兄弟戲之曰檳榔消食君乃常飢何忽須此妻復截髮市肴饌爲其兄弟以餉穆之自此不對穆之梳沐及穆之爲丹陽尹府召妻兄妻泣而稽顙以致謝穆之曰本不匿怨無所致憂及至醉穆之乃令廚人以金拌貯檳榔一斛以進之

齊書曰任昉父遜本性重檳榔以爲常餌臨終嘗求之不得好者昉亦所嗜好深以爲恨遂終身不嘗檳榔

梁書曰干陔利國在南海洲上其俗與林邑扶南略同出斑布古貝檳榔檳榔特精爲諸國之極

三國典略曰齊命通直散騎常侍辛德源聘于陳陳遣主客蔡侯佞宴醞因談謔手弄檳榔乃曰頃聞此間有人爲噉檳榔獲罪人聞遂禁此物定爾不德源荅曰此是天保初正尚書罪狀辭耳猶如李固被責云胡粉飾貌搔頭弄

姿不聞漢世頓禁胡粉

金樓子曰有寄檳榔與家人者題為合字蓋一人口也

風俗記曰王高麗年十四五時四月八日在彭城佛寺中

謝混見而以檳榔贈之執王手謂曰王郎謝叔源可與周

旋否

南中八郡志曰檳榔大如棗色青似蓮子彼人以為異婚

族好客輒先進此物若邂逅不設用相嫌恨

林邑記曰檳榔樹大圍丈餘高十餘丈皮似青桐節如桂

竹下本不大上末不小調直亭亭千萬若一森秀無柯端

頂有葉葉似甘蕉條派開破仰墜沙沙如插蘘蕉於竹杪

風至獨動似舉羽扇之掃天棊下繫數房房綴十數子家

有數百樹雲疎如墜繩也

廣州記曰嶺外檳榔小如交阯而大如蒟音子土人亦呼

為檳榔

廣志曰木實曰檳榔樹無枝略如柱其顛五六尺開穉如

黍秀實大如桃李生棘針重疊其下剥其皮煮其肉實而

質之堅如乾棗食後啖之滑美消穀下氣彼方珍之以為

口實亦出交阯

南方草物狀曰檳榔樹三月開花仍連著實大如雞卵十

一月熟

雲南記曰雲南有大腹檳榔在枝朶上色猶青每一朶有

三二百顆又有剖之為四片者以竹串穿之陰乾則可久

停其青者亦剖之以一片青葉及蛤粉卷和嚼嚙其汁即

似減澁味雲南每食訖則下之

又曰雲南多生大腹檳榔色青猶在枝朶上每朶數百顆

云是彌臣國來

又曰雲南有檳榔花糝極美

又曰平琴州有檳榔五月熟以海螺殼燒作灰名為奔蛤
灰共扶留藤葉和而嚼之香美

羅浮山疏曰山檳榔一名蒟子幹似蔗葉類柞一葉十餘
幹每幹生十房房底數百子四月采樹似楨音欄生曰南
者與檳榔同狀五月子熟長寸餘

楊銜之洛楊伽藍記曰南方歌管國最為強大民戶殷多
出明珠金玉及水精珍異饒檳榔

異物志曰檳榔若筍竹生竿種之精硬引莖直上末五六
尺開洪洪腫起若癭木焉因析裂出若黍穗無華而為實
大如桃李又生棘針重累其下以禦衛其實剖其上皮空
其膚熟而貫之硬如乾棗以扶留藤古賁灰并食下氣及
宿食消穀飲設以為口實

嶺表錄異曰檳榔交廣生者非舶檳榔皆大腹子也彼中
悉呼為檳榔交趾蒙士皆家園植之其樹莖葉根幹與枕
榔椰子小異也安南人自嫩及老採實啖之以不婁藤兼
之瓦屋子灰齧咀嚼之曰云交州地溫不食此無以祛其
瘴癘廣州亦噉檳榔然不甚於安南也府郭內亦無檳榔
樹

周成雜字曰檳榔菓也似螺可食

李當之藥錄曰檳榔一名賓門

左思吳都賦曰檳榔無柯椰葉無蔭

劉淵林吳都注曰檳榔高六七丈正直無枝葉條從心生
其實作房從心中一房數百實如雞子外有殼肉滿殼中
正白味苦澁得扶留藤與古賁灰合則柔滑而美矣
俞益期與韓康伯賤曰檳榔信南遊之可觀子既非常木

亦特奇云温交州時度之大者三圍高者九丈其擢穗似
禾其綴實似穀其皮似桐而厚其節似竹而概音其中空
其外勁其屈如覆虹其申如維繩步其林則寥朗庇其蔭
則蕭條信可以長吟可以遠想矣性不奈霜不得北植必
當遐樹海南遼然萬里不遇長者之目自令恨深
劉義恭啓事曰奉賜交州所獻檳榔味殊常品塗遠謁醫
九真蠻獠俗曰九真獠欲婚先以檳榔子一函詣女女食
即婚

豆蔻

劉欣期交州記曰豆蔻似栲樹味辛堪綜合檳榔嚼治斷
齒
環氏吳地記曰黃初三年魏來求豆寇
南方草物狀曰漏蔻樹子大如李實二月華七月熟出興

古

左思吳都賦曰草則藿藟豆蔻

胡桃

晉宮閣名曰華林園胡桃八十四株

廣志曰陳倉胡桃皮薄多肌陰平胡桃大而皮脆急捉則

破

西京雜記曰上林苑有胡桃

吳時外國志曰大秦有棗榛胡桃

博物志曰張騫使西域還得胡桃

廣五行記曰後蜀李雄王衡十二年扶風人韓豹爲太史

令雄卒于期立以豹爲大傅猶領候職豹嘗言於期曰臣

今老志在田園欲植胡桃願賜其種期不悟俄而李壽自

涪率衆南向襲尅成都廢期自立

嶺表錄異曰山胡桃皮厚而堅大於北府底平如檳榔多
肉少穰亦與北中者相似以斧礎之方破或取之自底磨
平以爲印子其隅屈曲類篆文也
馬融西第頌云胡桃白零
潘岳閑居賦曰三桃表櫻胡之別

孔融與諸鄉書曰先日多惠胡桃深知篤意
劉涪母荅虞吳國書曰咸和中避蘇峻亂於臨安山吳國
遣使餉饋乃荅書曰此菓有胡桃飛穰飛穰出自南州胡
桃本生西羌外剛內柔質似賢欲以奉貢

荔支

東觀漢記曰單于來朝賜橙橘龍眼荔支
謝承後漢書曰汝南唐羌爲臨武縣長接交州舊獻荔支
羌上書諫乃止

魏文帝詔羣臣曰南方有龍眼荔支寧比西國蒲陶石蜜
乎今以荔支賜將吏啖之則知其味薄矣

吳錄曰蒼梧多荔支生山中人亦種之

唐書曰楊貴妃生於蜀好荔支南海荔支勝蜀者故每歲
飛馳以進然方暑而熟經宿輒敗
又曰白居易爲忠州刺史在郡爲木蓮荔支岡寄朝中親
友各記其狀曰荔支生巴峽間形圓如帷蓋葉如桂冬青
華如橘春榮實如丹夏熟朶如蒲萄核如枇杷殼如紅縉
膜如紫綃瓢肉瑩白如冰雪漿液甘酸如醴如酪大抵如
此其實過若離本枝一日而色變二日而香變三日而味
變四五日外色香味盡去矣
廣志曰荔支高五六丈如桂樹綠葉蓬蓬然冬夏鬱茂青
華朱實實大如雞子核黃黑似熟蓮子實白如肪甘而多

汁似安石榴有甜味夏至且將已時翕然俱赤則可食也
一樹下百斛犍爲樊道南荔枝熟時百鳥肥其名之曰焦
核小次曰春花次曰朝榻此三種爲美次鼈卵大而酸以
爲醢和率生稻田間一日而變二日而香變三日而熟
又曰荔枝壺橋南珠之上
西京雜記曰南越王尉他獻高祖鮫魚荔枝高祖報以蒲
桃錦四疋
竺法真登羅山疏曰荔枝冬青夏至且子始赤六七日可
食甘酸宜人其細核者謂之焦核荔枝之寂珠也
異物志曰荔枝爲異多汁味甘絕口又小酸所以成其味
可飽食不可使厭生時大如雞子其膚光澤皮中食乾則
醜小則肌核不如生時奇四月始熟也
嶺表錄異曰荔枝南中之珍果也梧州江前有火山上

荔枝四月先熟以其地熱故曰火也核大而味酸其高新州與南海
產者最佳五六月方熟中亦出荔枝余會一嘗一似火山者形若小雞子
近蒂稍平皮殼殷紅肉瑩寒玉又有焦核者性熱液甘食
之過度卽蜜漿制之又有蠍荔枝黃色味稍劣於紅者
廣州記云每歲進荔枝郵傳者疲斃於道漢朝下詔止之
今猶修事荔枝煎進焉其樹自徑尺至于合抱葉密如冬
青木性堅重其根工人多取爲阮咸槽彈弓碁局
仲長統昌言曰今人主不思神芝朱草而患枇杷荔枝之
腐亦鄙矣
王逸荔枝賦曰乃觀荔枝之樹其形也曖若朝雲之興森
如橫天之簪角亢興而靈華敷大火中而未實繁灼灼若
朝霞之吐日離離如繁星之著天
劉涓子都注曰荔枝樹生山中葉綠色實正赤肉肥肌正

白味美

左思蜀都賦曰傍挺龍目側生荔支布綠葉之萋萋結朱實之離離

太平御覽卷第九百七十一

金澤文庫

[Faint bleed-through text from the reverse side of the page]

太平御覽卷第九百七十一

果木部九

蒲萄 橄欖 椰

金澤文庫

楊梅

沙棠

枸橼

益智

桶子

檉

蒲萄

史記曰大宛以蒲萄為酒富人藏酒至萬餘石久者數十

歲不敗漢使取其實來於是離宮別觀傍盡種蒲萄

漢書曰李廣利為二師將軍破大宛得蒲萄種歸漢

續漢書曰扶風孟他以蒲萄酒一斛遺張讓即以為涼州

刺史三輔史錄又載

魏文帝詔群臣曰中國珠果甚多且復為說蒲萄當其朱

夏涉秋尚有餘暑醉酒宿醒掩露而食甘而不餽為縣切脆

而不酸冷而不寒味長汁多除煩解餒又釀以爲酒甘於麴蘖善醉而易醒道之固以流羨晉咽唾況親食之則他方之果寧有疋者

崔鴻十六國春秋前涼錄曰張斌字洪茂燉煌人也作蒲萄酒賦文致甚美

又後涼錄曰建元二十年呂光入龜茲城胡人奢侈富於生養家有蒲萄酒或至千斛經十年不敗
北齊書曰李元忠曾貢世宗蒲萄一盤世宗報以百練縑遺其書曰儀同位亞台鉉織懷貞素出藩人侍備經要重而猶家無擔石室若懸磬豈輕財重義奉時愛己故也久相嘉尚嗟詠無極恒思標賞有意無由忽辱蒲萄良深佩戴聊用綰百疋以酬清德

唐書曰高祖賜群臣食於御前果有蒲萄侍中陳叔達執

而不食高祖問其故對曰臣母患口乾求之不能得高祖曰卿有母可遺乎遂流涕嗚咽久之乃止因賜物百段
又曰蒲萄酒西域有之前代或有貢獻人皆不識及破高昌收馬乳蒲萄實於苑中種之并得其酒法太宗自撿益造酒爲凡有八色芳辛酷烈味兼醞益既頒賜羣臣京師始識其味

又曰太宗時葉護獻馬乳蒲萄一房長二丈餘子亦稍大其色紫

又曰李直方常第果實若貢士者以綠李爲首芳梨爲副櫻桃爲三甘橘爲四蒲萄爲五或薦荔支曰寄舉之首也
又曰蜀賓在葱嶺南踰縣度經熱坂其地暑濕人皆乘馬土宜杭稻多甘蔗蒲萄草木凌寒不死
金樓子曰大月氏國善爲蒲萄花葉酒或以根及汁醞之

其花似杏而綠榮碧鬚夏春之時萬頃競發如鸞翼八月
中風至吹葉上傷裂有似綾紈故人呼風爲蒲萄風亦名
爲裂葉風
漢武帝內傳曰西王母嘗下帝設蒲蒲酒
杜篤邊論曰漢征匈奴取其胡麻稗麥苜蓿蒲萄亦廣地
也

廣志曰蒲萄有黃白黑三種

雲南記曰雲南多乾蒲萄
楊銜之洛陽伽藍記曰白馬寺浮圖前奈林蒲萄異於餘
處枝葉繁衍子實甚大奈林實重七斤蒲萄實偉於棗味
並殊美冠於中京帝至熟時常詣取之或復賜官人得之
轉餉親戚以爲奇異得者不敢輒食乃歷數家京師語曰
白馬甜榴一實直牛

唐景龍文館記曰四月上巳日上幸司農少卿王光輔在
駕還頓後中書侍郎南陽岑羲設茗飲蒲萄漿與學士等
討論經史

又曰大學士李嶠入東都耐廟學士等祖送城東上令中
宦賜御饌及蒲萄酒

博物志曰西域有蒲萄酒積年不敗彼俗傳云可至十年
飲之醉彌日不解

又曰張騫使西域還得蒲萄

晉宮閣名曰華林園蒲萄百七十八株

秦州記曰秦野多蒲萄

本草經曰蒲萄生五原隴西燉煌益氣強志令人肥健延
年輕身

王逸荔枝賦曰西旅獻崑山之蒲萄

鍾會蒲萄賦曰余植蒲萄於堂前嘉而賦之命苟勗並作
應禎蒲萄賦曰結繁子之礪落兮英籠摠而弥房
傅玄蒲萄賦曰踰龍堆之險越懸度之阻涉乎三光之阪
歷乎身熟之野

橄欖

金樓子曰有樹名獨分爲二枝其東向一枝是木威樹南
向一枝是橄欖樹

南越志曰博羅縣有合成樹十圍去地二丈分爲三衢東
向一衢木葉似棟子如橄欖而硬削去皮南人以爲糝南
向一衢橄欖西向一衢橄欖

裴淵廣州記曰橄欖澁酒

廣志曰橄欖大如雞子交州以飲酒

南州草木狀曰橄欖子大如棗二月華八九月熟生食味

酢蜜藏乃甜美交阯武平興古九真有之
臨海異物志曰餘甘子梭形初入口舌澁酸飲水乃甘又
如梅實核兩頭銳呼爲餘甘橄欖同一物異名耳
嶺表錄異曰橄欖樹身聳拔皆高數尺其子深秋方熟閩
中尤重其味云咀之香且勝含雞舌香生喫及煮飲悉解
酒毒有野生者子繁樹峻不可梯緣但刻其根下方寸許
內鹽於其中一夕子皆自落樹枝節上生脂膏如桃膠南
人採之利其皮葉煎之調如黑錫謂之橄欖糖用泥瓶損
乾後牢於膠漆着水益乾堅耳
左思吳都賦曰龍眼橄欖

隋書曰林邑國人深目高鼻髮拳色黑俗皆徒跣以幅布
纏身冬月衣袍婦人椎髻施椰葉蓆

唐書曰訶陵國俗以椰樹花爲酒其樹生花長三尺餘實
大如人脛割之取汁以成酒味甘飲之亦醉
南夷志曰荔支檳榔訶梨勒椰子桃榔等諸樹永昌麗水
諸山皆有之
雲南記曰南詔遣使致南國諸果有椰子狀如大牛心破
一重麓皮刮盡又有二重硬殼有小孔以筋穿之內有漿
二合餘味甘色白
文曰雲南多椰子亦以蜜漬之爲糝
廣志曰椰樹高六七丈無枝條有葉如束蒲乃在樹末實
如大瓠瓜懸在樹頭實外有皮中有核皮裏有汁升餘清
如水美如蜜可飲核中膚白如雪厚半寸味如胡桃而美
可食出交阯家家種之
南方草木狀曰椰二月花花仍連着實房房連相累房三

十或三十七八子十一月十二月熟其樹黃俗名爲丹橫
破之可作椀乎長如栝樓子

交州記曰椰子有漿截花以竹筩承取汁作酒飲之亦醉
神異經曰東南荒中有椰木椰高三三丈或十餘丈圍丈
餘或七八尺葉三百歲盡落而華華如甘瓜華華盡落而
生萼萼下生子三歲而熟熟後不長不減形如寒瓜長七
八寸徑四五寸
南州異物志曰椰樹大三四圍長六丈通身無枝至百餘
年有葉葉狀如蒲長四五尺直竦指天實生葉閒皮苞之
如蓮狀皮肉硬過於核中肉白如雞子着皮而腹內空含
汁大者含升餘實形團團然或如蔗樓橫破之可爲爵並
堪器用南人珍之
異物志曰椰樹高六七丈無枝條葉如束蒲在上其實如

瓠繫之巖質外皮如胡蘆膚中有汁升餘清如水味美於
蜜食其膚則不飢食其汁則增渴又有如人兩眼颺俗號
椰子爲越王頭嶺表錄異曰椰子樹亦類海椶實號椰子大如甌盂外有
籠皮如大腹次有硬殼圓而且堅厚二三分有圍如卵者
卽截開一頭砂石摩之去其皴皮其爛斑錦文以白金裝
之以爲水罐子珍奇可愛殼中有液數合如乳亦可飲之
冷而動氣左思吳都賦曰椰葉無蔭
俞益期賤曰有清漿數斗懸於長木之端終不乾故爲小
異金樓子曰楊周年七歲甚聰惠孔君平請其父父不在乃

擘兒出爲設果有楊梅孔公指以示兒曰此真君家果兒
應馨蒼內未聞孔雀是天子家禽博物志曰地有章名則生楊梅
南越志曰熙安縣白蜀里多楊梅張公以爲名章則多楊
梅此偶以所聞而命書後好事改地就之耳求之白蜀去
之遠矣裴淵廣州記曰廬山頂有湖楊梅繞其際人登者止得於
山飽食不得持下吳興記曰故章縣縣北有石榔山出楊梅常以貢御張華
所謂地名章必生楊梅蓋謂此也
食經曰藏楊梅法取完者一斛鹽漬之曝乾別取杭皮二
斤煮汁鹽漬之不加蜜漬梅色如初美好可留數月
臨海異物志曰楊梅其子如彈丸正赤五月中熟熟時似

梅味甘恬酸

梁江淹楊梅頌曰懷藥挺實涵黃糝丹鏡日繡壑照霞綺

巒

沙棠

山海經曰崑崙之山有木焉狀如棠棠黃華赤實味如李

而無核名曰沙棠可以却水

呂氏春秋曰伊尹說曰果之美者沙棠之實

南越志曰寧鄉果多沙棠

竺法真登羅浮山疏曰羅浮山有沙棠華黃實赤味甘如

李

枸橼

裴淵廣州記曰枸橼樹似橘如柚大而倍長味奇酢皮以

蜜煮為粽

劉欣期交州記曰枸橼樹如柚核細

異物志曰枸橼實如橘大如飯莩皮不香味不美可以澆

治葛紆若酸漿

嶺表錄異曰枸橼子形如瓜皮似橙而金色故人重之愛

其香氣涼輦豪貴家飢盤筵憐其遠方異果肉甚厚白如

蘿蔔南中女工競取其肉雕鏤花鳥浸之蜂蜜點以燕脂

擅其妙巧亦不讓湘中人鏤木瓜也

益智

十三國春秋曰安帝元年廬脩為廣州刺史脩遺劉裕益

智粽裕乃荅以續命湯

顧微廣州記曰益智葉如蘘荷莖如竹箭子從心中出一

枝有十子子內白滑四破去之取外皮蜜煮為粽子味辛

周景式廬山記曰山果有益智蒲萄

太平御覽

卷九百七十一

七

雜錄

廣志曰益智葉似蘘荷長丈餘其根上有小枝高八九寸
无葉萼其子繫生之如棗中瓣黑皮白核小者曰益智含
之隔涎澱出壽萬亦生交阯
南方草物狀曰益智如筆毫長七八分二月華五月六月
熟味辛中芬香出交阯合浦
陳祁暢異物志曰益智類薏苡長寸許如枳椇子味辛辣
飲酒食之佳
惠遠法師荅盧循書曰損餉深抱情至益智乃是一方異
味却於僧中行之
廣志曰桶子似木瓜樹木
南方草物狀曰桶子木如雞卵三月華八月九月熟味酸
酢或以蜜藏滋味甜美出交阯

劉欣期交州記曰如桃
陳祁暢異物志曰馨子之樹枝葉四布枝葉滿蘇如車蓋也名同種
異味實甜酢與作紙穀同名而實大異也果而無核裏面如素析酒止
醒更為遺賂

榘

毛詩秦車鞿晨風曰隰有樹榘毛云赤羅或云山黎今人謂之楊榘樹實如梨但小耳一名鼠梨
陸機毛詩疏義曰樹榘一名赤羅一名山黎今人謂之楊
榘樹及實如梨但實奇小耳一名鹿鼠一名鼠梨齊郡廣
縣堯山魯國河內共北中有今人亦種之極有美者亦黎
之脆美者
爾雅曰榘羅也郭璞曰今楊榘也實似梨而酢可食也
廣志曰陽榘子似梨大如杏可食

吳氏本草曰龍眼一名比目

嶺表錄異曰龍眼子樹如荔支葉小殼青黃色形圓如彈

先大核如木棗子而不堅肉白帶漿其甘如蜜一朶恒三

二十顆荔支方過龍眼即熟南人謂之荔支奴以其常隨後也

左思蜀都賦曰傍挺龍眼側生荔支注云大城

齊書曰武帝幸丹陽郡宴飲到搗侍舊酒後狎侮同列時

王劭則執棋樵以刀子削之謂曰此非元徽頭何事自喫

之為左丞庾果之所糺以贖論

廣志曰棋樵其子甚酢出西方

餘甘

吳錄地理志曰高涼安寧縣有餘甘初食之味苦後口中

更甘

臨海異物志曰餘甘子如梭形出晉安候官界中餘甘楸

欖同一果耳

雲南記曰瀘水南岸有餘甘子樹子如彈丸許色微黃味

酸苦核有五稜其樹枝如柘枝葉如小夜合葉

陳祁暢異物志曰餘甘大小如彈丸人視之理如定陶瓜

片初入口如苦忽咽口中乃更甜美鹽而蒸之尤美可多

食之

朱崖故事曰朱崖果有餘甘

左思吳都賦曰其果則丹橘餘甘荔支之林

蒟子

漢書曰番禺令唐蒙風曉南粵南粵食蒙蜀枸醬注曰枸

音知枸樹也如桑椹其長二三寸酢取其實以為醬

廣志曰蒟子蔓生依樹子似桑椹長數寸色黑辛如薑以

鹽淹之下氣消食出南安
左思蜀都賦曰筇杖傳節於大夏之邑蒟醬流味於番禺
之鄉

木瓜

爾雅曰楸木瓜郭氏注曰實如小瓜

周禮冬官下弓人職曰取幹之道木瓜次果桑

毛詩衛淇澳木瓜曰投我以木瓜報之以瓊琚毛云楸也詩義疏曰

楸葉似榛實如小瓜瓜上黃著中令

三國典略曰齊孝昭北伐庫莫奚至天池以木瓜灰毒魚

魚皆死而浮出庫莫奚竊相謂曰池有靈魚犯之不祥乃

出長城北道齊王分兵追擊獲牛羊七萬振旅而還

水經曰魚復縣地多木瓜樹有子大如鰕音白黃膏甚苦

香爾雅之所謂楸也

盛弘之荆州記曰魚復縣有固陵村地多木瓜樹其子大者如鰕

晉宮閣記曰華林園有木瓜五株

廣志曰木瓜子可藏枝為杖長一尺百二十節

吳氏本草曰木瓜生夷陵

虎丘山疏曰山三面悉有木瓜

何承天木瓜賦曰惟茲木之在林亦超類而獨劭方朝華

而繁實北沙棠而有曜

爾雅曰劉劉杙也

劉子生山中實如梨酢甜核堅出交趾杙音弋

吳錄地理志曰交趾羸僂縣有劉子樹出山中實如梨而

味酸美郡內皆有之

南方草物狀曰劉三月華七月八月熟其色黃其味酢出

交趾武平興古九真日華山日人日其其黃與赤山

吳都賦曰檢劉禦霜

周書曰夏食鬱棣

毛詩豳七月日六月食鬱棣

詩義疏曰其樹高五六尺其實大如李正赤食之甜

魏王花木志曰鬱棣樹高五六尺實大如李赤色食之甘

廣雅曰一名雀李又名車下李又名郁李亦名棣亦名菓

李子毛詩七月食鬱及菓即郁李也一名棣也

呂氏本草曰郁核一名雀李一名車下李一名棣

晉宮閣名曰華林園菓李一林

司馬相如上林賦曰隱夫鬱棣台選離支

潘岳閑居賦曰梅杏菓棣之屬

曹毗魏都賦曰若榴郁棣

爾雅曰杜甘棠今之杜

山海經曰岷山其木多棠

韓詩外傳曰邵伯在朝所司請召民邵伯曰不勞一身而

勞百姓此非文王之志也於是廬於棠樹之下百姓大悅

詩人見而歌焉

毛詩鵲巢甘棠曰蔽芾甘棠勿剪勿伐召伯所茇

陸氏毛詩疏義曰杜杜赤棠也與白棠同但有赤白美

惡子白色者為白棠白棠甘棠也多酸美滑赤棠子澁而

孫楚枵杜賦序曰家弟以虞氏梨賦見示余謂豈以梨有

用之為貴杜無用之為賤故賦之楚辭美當未菜于燕而

晉宮閣名曰華林園榿音棗四株榿

廣志曰榿棗味如柿晉陽楷榿肌細而厚以供御

范子計然曰榿棗出漢中郡榿

崔豹古今注曰榿棗葉如柿實似柿而小味甘美

司馬相如子虛賦曰權黎棗栗棗橘柚芬芳

左思蜀都賦曰林檎枇杷橙柿棗檮

毛詩邶柏舟簡兮曰山有榛隰有苓

陸璣毛詩疏義曰山有榛枝葉似栗樹子似橡子味似栗

枝莖可以為燭

毛詩邶柏舟定之方中曰樹之榛栗椅桐梓漆

詩義疏曰榛栗屬有兩種其一種大小皮葉皆如栗其子

小形似杼子味亦如栗所謂樹之榛栗者也其一種枝莖

如木蓼生高丈餘作胡桃味遼代土黨皆饒木榛

周禮天官甸人職曰饋食之籩其實榛

禮記曲禮下曰婦人之贊棋榛棗栗

說文曰榛似梓實如小栗

山海經曰上申之山下多榛楷郭氏注曰榛

任昉述異記曰漢末楊氏家園中產神榛二株

張衡七辨曰寒梨乾榛

爾雅曰柚條柚實酢出江南

尚書禹貢曰揚州厥苞橘柚

周書曰秋食橘柚
毛詩秦車麟曰終南何有有條有梅

列子曰吳越之間有木焉其名曰櫟碧樹而冬青實丹而
味酸度淮而化為枳焉

莊子曰三王五帝之禮義法度譬猶枳梨橘柚其味相反
而皆味於口

淮南子曰天之所處地之所載皆生於一父母故槐榆與
橘柚合而為兄弟

呂氏春秋曰果之美者雲夢之柚

山海經曰洞庭之山綸山銅山賈超之山其木多櫟郭氏注曰

柚似橘而大

鹽鐵論御史曰孝武皇帝平百越以為園圃臣庶皆厭橘
柚

崔寔政論曰橘柚之貢堯舜所不常御

裴淵廣州記曰別有柚號為雷柚實如升大

廣志曰成都有柚大如升

博物志曰橘柚類多豫章郡自宜者熟會大瓜西極天于

風土記曰柚大橘也赤黃而酢也

神異記曰東方建春山外多柚

異苑曰南東歸美山石城內有甘橘柚

楚辭曰斬伐橘柚列樹苦桃

楚辭曰雜橘柚以為圃分列辛夷與椒楨

司馬相如子虛賦曰橘柚芬芳

古詩曰橘柚垂華實乃在深山側聞君好我甘竊獨自雕

飾

揚雄揚州牧箴曰彭蠡既潞陽鳥攸居橘柚羽具瑤琨篠

蕩 崔琦七蠲曰于斯江畢寔產橘柚紫葉玄實綠裏朱莖
郭璞讚曰屈生嘉歎以為美談

椒音

爾雅曰檇椒也郭璞注曰柚屬子大如五皮厚二三分中似椒食之味少

檇音

毛詩駉頌泮宮曰翩彼飛鵝集于泮林食我桑黹懷我好

音黹桑

後漢書曰獻帝時三輔大飢九月桑復生樵人得以食

魏略曰楊沛為新鄭長課民益畜乾樵會太祖西迎天子
無糧食沛進乾樵及太祖輔政遷為鄴令賜其生口十人
縮百疋欲以勵之報乾樵也
魏書曰袁紹在河北軍人仰食樵

車頻秦書曰慕容垂圍鄴百姓不得復田民以桑樵為糧
相噉略盡

晉書載記曰符登攻姚萇萇據武都相持累戰互有勝負
登軍中大飢收葉以供兵

後魏書曰崔暹自燕奔魏尋除御史太祖攻中山乏糧問
群臣取食之方暹曰取樵可以助糧太祖雖銜侮慢兵須
食乃聽人取樵

北史曰後周趙肅為齊州別駕有能名其東鄰有桑樵落
其家就遣人悉拾歸其主誠諸子曰吾非以此求名意者
非機杼物不願侵人汝等宜以為誠

金樓子曰秦皇遣徐福求一寸樵碧海之中有扶桑樹長
數千丈樹兩兩同根生更相依倚是名為扶桑仙人食其
樵而體作金光飛騰玄宮也

漢武內傳曰神仙上藥有扶桑丹椹

汝南仙賢傳曰蔡君仲孝養老母時赤眉亂君取桑椹赤黑異器賊問之答云黑者與母赤者自食賊嘉之與鹽

三升

世說曰張天錫為晉孝武所器每入言語無不音口頗有嫉之者孝武於坐問張北方何物可貴張荅曰桑椹香甘

鷓鴣革響醇酪養性人無嫉心

世說曰有某甲從北方來詣謝公問北方何果最勝甲云桑椹最好謝公問可以此江東何果甲云是黃甘之流公曰君何乃爾妄語甲既受妄語之名恐宰相所貴乃買酸馬候熟時取數十枚還以奉公公食之以為美乃謂甲此味乃江東所無而君近比黃甘於是引甲為賓客

十洲記曰有椹樹長數千丈名為扶桑芝仙人食其椹而

體作金色飛翔玄宮其樹雖大其葉則小故如中夏之桑椹也但椹稀而赤九十歲一生實耳

楊銜之洛陽伽藍記曰願會寺中書侍郎王翊捨宅所立也佛堂前生桑樹一株直上五尺枝條橫遶柯葉傍布形如羽蓋後高五尺凡為五重每一重葉椹各異京師道俗謂之神桑觀者成市布施者甚眾帝聞而惡之以為惑眾命給事黃門侍郎元紀伐殺之其日雲霧晦冥下斧之處流血至地見者莫不悲泣

東方朔神異記曰東方有樹高八十丈敷張自輔葉長一丈廣六七尺名曰桑上有椹長三尺五寸其圍如數

異苑曰漢興中元年九月桑再椹時劉玄德軍小沛年荒穀貴士眾皆飢仰以為糧

又曰北方有曰桑椹長數寸食之甘美

五行記曰晉武太元中太原王戎為鬱林太守泊舡新亭
 眠夢人以七枚棗與之着衣襟中既悟得棗如夢中
 傅休奔桑椹賦曰繁實離離含甘吐液翠米三變或玄或
 白嘉味殊滋食之無斃

太平御覽卷第九百七十三
 命條果實門棗棗之其日與棗神其不斃之或
 太平御覽卷第九百七十三
 命條果實門棗棗之其日與棗神其不斃之或

命條果實門棗棗之其日與棗神其不斃之或
 太平御覽卷第九百七十三
 命條果實門棗棗之其日與棗神其不斃之或

太平御覽卷第九百七十四

果部十一 木

枳椇 棗 藥 木威 楝木 机

棗 楊桃 楊梅 冬熟 猴鬪 人關桃 蘇麻

土翁 狗槽 雞橋 猴葱 多南 王壇

三廉 鬼日 甘蔗 甘藷 三燕 莫其廉 薑

枳椇 音只

毛詩嘉魚南山有臺曰南山有枸北山有楸 枸枳

詩義疏曰枳椇樹高大如白楊所在皆有子著支端支柯
 不直噉之甘美如飴八九月熟江南特美今官園種之謂
 之木蜜能令酒味薄若以為屋柱則一屋酒可薄味也
 禮記曲禮下曰婦人之贄棋榛脯脩 鄭玄曰棋枳椇也
 廣志曰枳椇葉似柳子似珊瑚其味如蜜十一月熟樹乾

者益美出南方大如指頭蘇氏曰取殼煮之其殼樹幹
崔豹古今注曰枳椇子一名樹蜜一名木錫實形拳曲核
在實外味甜美如錫蜜一名白石一名木石一名枳椇也

採音蟾南越志果
名似柰而酸

薛瑩荆揚以南異物志曰椶子樹產山中實似梨冬熟味
酸丹陽諸郡有之

蒟音納

異物志曰蒟草樹果如椶櫚而小三月採其葉細破乾之
味近苦甘并雞舌香食之益善也

顧微廣州記曰山檳榔大於蒟子蒟子土人亦呼為檳榔
左思吳都賦曰藿蒟荳蔻

木威

顧微廣州記曰餘甘甘蕉木威黃皮其味殊苦

顧微廣州記曰木威高丈餘子如橄欖而堅削去皮以為
粽

椶木

吳錄地理志曰廬陵南郡雩都縣有椶樹其實如甘蕉而
核味亦如之

杙音求

爾雅曰杙繫音梅也郭璞注曰杙樹似梅子如
指頭可食赤色似小柰也

棧

爾雅曰棧音棧速音其郭璞注曰棧實
似棧赤可食

山海經曰堂庭之山其上多棧木郭璞注曰
曹毗魏都賦曰果則谷棧山棧音亭即棧也

楊桃

臨海異物志曰楊桃似南方橄欖子其味甜常五月十月

熟諺言楊桃無蹙一歲三熟其色青黃核如棗核
臨海異物志曰楊桃子生晉安侯官縣一小樹得數十石
實大三寸可蜜藏之
庾仲初楊都賦曰楊桃枇杷

楊榴

臨海異物志曰楊榴有七脊子生樹皮中其狀雖異味則
無奇長四五寸色青黃味甘也

冬熟

臨海異物志曰冬熟如指大正赤其味甘勝梅

猴闔

臨海異物志曰猴闔子如指頭大其味小苦可食

關桃

臨海異物志曰關桃子其味酸

臨海異物志曰土翁子如漆子大熟時甜酸其色青黑

狗槽

臨海異物志曰狗槽子如指頭大正赤其味甘

雞橋

臨海異物志曰雞橋子如指頭大味甘永寧南界中有之

猴葱

臨海異物志曰猴葱子如指頭大與柿相似其味不減於

柿

多南

臨海異物志曰多南子如指大其色紫味甘與梅子相似

晉安

侯官界中有之

臨海異物志曰王壇子如棗大其味甘晉安侯官越王祭壇邊有此果無知其名因見生處遂名王壇其形小於龍眼有似木瓜七月熟甘美也

王彪之閩中賦曰王壇侯栗

楊都賦曰草則龍目荔支王壇丹橘

出熙安郡雲母山見南越志

陳祗暢異物志曰三廉木實實不但三雖名三廉或有三四五六枚食之多汁味酸且甘藏之尤好與眾果相參

鬼目亦名

爾雅曰符鬼目郭景純曰今江東有鬼目草莖似葛葉圓而毛子如耳瑤赤色叢生

廣志鬼目似梅南人以飲酒

南方草木狀曰鬼目樹大者如木子小者如鴨子二月花色仍連着實七月八月熟其色黃其味酸以蜜煮之滋味

柔嘉交趾武平輿古九具有之

裴淵廣州記曰鬼目益智直爾不敢噉可為漿也

交州記曰鬼目樹似棠梨葉似楮皮白樹高大如木瓜而

小邪傾不則正味酢九月熟又有草昧子亦如之亦可為

糝因其草似鬼目

說文曰諸蔗也

漢書禮樂志郊祀歌曰百味旨酒布蘭生泰尊柘漿枏朝

醒應劭曰柘漿取柘汁以爲飲也

吳錄地理志曰交趾句扁音扁縣甘蔗大數寸其味醇美異

於他處竿以為錫曝之凝如冰破如博碁入口消釋

江表傳曰孫亮使黃門以銀盤升蓋就中藏吏取交州所

獻甘蔗錫黃門先恨藏吏以鼠矢投錫中啓言吏不謹亮

呼吏持錫器入門曰此器既蓋之且有油覆無緣有此也
黃門將有恨汝耶叩頭曰常從臣求官莞蔗有數不敢與
亮曰必是此也問具服卽於前加髡鞭斥外付
晉書曰顧愷之每食蔗自尾至本人或問之曰漸入佳境
宋書曰庾仲文好貨劉雍自謂得其助力事之如父夏中
送甘蔗
又曰元嘉末魏太武征彭城遣使至小市門致意求甘蔗
及酒孝武遣人送酒二器甘蔗百挺
齊書曰兪都王鏗善射常以棚的太闊日終日射侯何難
之有乃取甘蔗插地百步射之十發十中
又曰范雲永明十年使魏魏人李彪宣命至雲所甚見稱
美彪爲設甘蔗黃粽隨盡復益彪笑謂曰范散騎小驗之
一盡不能復得

梁書曰庾沙弥性至孝母劉亡好噉甘蔗沙弥遂不食焉
三國典略曰陸納反湘州分其衆二千人夜襲巴陵晨至
城下兪豐侯脩出壘門座胡牀以望之納衆乘水來攻矢
下如雨脩方食甘蔗曾無懼色部分軍旅鼓而進之遂獲
其一艦生擒六千人納遂歸保長沙
又曰侯景至朱雀街南建康令庾信守朱雀門俄而景至
信衆撤桁始除一舶見景軍皆着鐵面退隱于門自言口
燥屢求甘蔗俄而飛箭中其門柱信手中甘蔗應弦而落
隋書曰赤土國物產多同於交趾以甘蔗作酒雜以紫瓜
根酒色黃赤味亦香美
永嘉郡記曰樂城縣三州府江有三洲因以爲名對岸有
浦名爲菰子出好甘蔗
盧諶祭法曰冬祀用甘蔗

范汪祠制曰孟春祠用甘蔗

扶南傳曰安息國出甘蔗

廣志曰甘蔗其錫為石密

雲南記曰唐韋齊休聘雲南會川都督劉寬使使致甘蔗

蔗節希似竹許削去後亦有甜味

神異經曰南方荒內許諸林其高百丈圍三丈促節多汁

甜如蜜

許音干

異物志曰甘蔗遠近皆有交趾所產特醇好木末為薄厚

其味甘園數寸長丈餘頗似竹斷而食之既甘生取汁為

飴錫益珍煎而暴之凝如冰

甄異傳曰隆安中吳縣張牧字君林忽有鬼來無他須臾

唯欲噉甘蔗自稱高褐主人因呼阿褐牧母見之是小女

面青黑色通身青衣

其體如甘蔗心而甜不食

魏文帝典論曰嘗與平虜將軍劉勳奮威鄧展等共飲宿

聞展有手臂曉三兵余與論劔酒酣耳熱方食甘蔗便以

為杖下殿數交三中其臂共知語人皆風以對所出

表于正書曰歲比不登凡不給之物若于蔗之屬皆可權

禁

楚辭曰膳奴到鼈炮羔有柘漿柘蔗也

司馬相如子虛賦曰諸杯巴苴諸柘也

張協都蔗賦曰若乃九秋良朝玄酎初出黃華浮觴酣飲

累甘挫斯柘而療渴若漱醴而含蜜清滋津於紫梨流液

豐於朱橘

曹植詩曰都蔗雖甘杖之必折巧言雖美用之必滅

張載詩曰江南都蔗釀液豐沛三巴黃甘瓜州素榛凡此

數品殊美絕快渴者所思銘之裳帶

李伯仁七款曰副以甘柘豐弘誕節織液玉津旨於飴蜜
虞翻與弟書曰有數頭男皆如奴僕伯安雖癡諸兒不及
觀我所生有兒無子伯安三男阿思似父思其兩弟有似
人也去日南遠恐如甘蔗近抄即薄
應璩與尚書諸郎書曰檀氏園葵菜繁茂諸蔗瓜芋亦尚
尚萌未知三牛復何種植
馮衍杖銘曰杖必取材不必用珠相必取賢不必所愛都
蔗雖甘猶不可杖佞人悅己亦不可相

甘蔗

南方草物狀曰甘蔗民家常以二月種之至十月乃成郊
夫者如鵝少者如鴨捕食其味甜經久得風乃淡泊耳出
交趾武平九真與古
陳祁暢異物志曰甘蔗似芋亦有巨魁剥去皮肌肉正白

如肪南方人專食之以當米穀蒸炙皆香美賓客酒食亦
施設有如果實也

燕萹音郁

毛詩豳七月曰六月食鬱及萹萹萹

毛詩題綱曰葛藟一名燕萹藤好生河澚邊得水潤而長
喻王九族蒙王恩惠以育子孫今王無澤於族人不如葛
藟生河澚邊也

廣雅曰燕萹嬰舌也

廣志曰燕萹似梨甲熟

魏王花木志曰燕萹實大如龍眼黑色說文謂之嬰萹詩
疏一名車鞅藤豳詩七月食鬱及萹此名燕萹
潘岳閑居賦曰梅香萹棣之屬繁榮藻麗之飾
曹毗魏都賦曰英梅楊李若留郁棣郁俗謂

廣雅曰蒨葍

州維廉葍也

湘州記曰始安縣空龍山精了山川廉葍

食經曰廉葍法蜜煮烏梅去滓以滓廉葍再三宿色黃赤

如琥珀

劉楨清慮賦曰仰稗木葍俯拔廉葍

太平御覽卷第九百七十四

蒨葍亦名果實也
廣雅曰蒨葍
湘州記曰始安縣空龍山精了山川廉葍
食經曰廉葍法蜜煮烏梅去滓以滓廉葍再三宿色黃赤如琥珀
劉楨清慮賦曰仰稗木葍俯拔廉葍

